



КАФИСТ
СВЯТИТЕЛЮ
И ЧУДОТВОРЦУ
НИКОЛАЮ



Тропарь, глас 4.

Правило веры и образ кротости,/ воздержания учителя/
яви ты стаду твоему/ Яже вещей Истина./ Сего ради
стяжал еси смирением высокая,/ нищетой богатая,/ отче
священноначальниче Николасе,/ моли Христа Бога, //
спастися душам нашим.

Кондак, глас 3.

В Мирех, святе, священнодействитель показался еси,/ Христово бо, преподобне, Евангелие исполнив,/ положил еси душу твою о людех твоих/ и спасл еси неповинныя от смерти./ Сего ради освятился еси, // яко великий тайнник Божия благодати.



АКАФИСТ

СВЯТИТЕЛЮ И ЧУДОТВОРЦУ НИКОЛАЮ,
АРХИЕПИСКОПУ МИР ЛИКИЙСКИХ

Кондак 1.

Возбранный Чудотворче и изрядный угóднице Христов, миру всему источаяй многоценное милости миро и неисчерпаемое чудес море, восхваляю тя любовию, святителю Николае. Ты же, яко имеяй дерзновение ко Господу, от всяких мя бед свободи, да зову ти:

Ра́дуйся, Николае, великий Чудотворче.

Икос 1.

Ангела образом, земнаго суща естеством яви тебе вся твари Создатель; благоплодную бо доброту души твоея провидев, преблаженне Николае, научи всех вопити тебе сице:

Ра́дуйся, от утробы матерния очищенный;
ра́дуйся, даже до конца освященный.

Ра́дуйся, рождением своим родителей удививый;
ра́дуйся, силу душевную абие по рождестве явивый.

Ра́дуйся, саде земли обетования; ра́дуйся, цвете Божественнаго саждения.



Ра́дуйся, лозо́ добродéтельная виногра́да Хрис-
то́ва; ра́дуйся, дре́во чудото́чное ра́я Иису́сова.
Ра́дуйся, крíне ра́йскаго прозябéния; ра́дуйся,
ми́ро Христóва благоухáния.

Ра́дуйся, я́ко тобо́ю отгóнится рыдáние; ра́дуй-
ся, я́ко тобо́ю принóсится ра́дование.

Ра́дуйся, Никóлае, вели́кий Чудотво́рче.

Кондак 2.

Ви́дяще твои́х мир излия́ние, богому́дре,
просвещáемся душа́ми и телесы́, дíвнаго тя
миротóчца живонóсна, Никóлае, разумéюще;
чудесы́ бо я́ко вода́ми, благода́тию Бóжиею
излива́ющимися, напая́еши ве́рно вопи́ющих к
Бо́гу: Аллилу́иа.

Икос 2.

Ра́зум неуразумéнный вразумля́я о Святе́й
Тро́ице, был еси́ в Никéи со святы́ми отцы́
побóрник исповéдания правосла́вныя ве́ры. Ра́вна
бо Отцу́ Сы́на испове́дал еси́, соприсносу́щна и
сопресто́льна, А́риа же безу́мнаго обличíл еси́.
Сего́ ра́ди ве́рнии научи́шася воспева́ти тебе́:

Ра́дуйся, вели́кий благоче́стия сто́лпе; ра́дуйся,
ве́рных прибéжища гра́де.



Рáдуйся, твёрдое Правослáвия укреплénие;
рáдуйся, честнóе Пресвятýя Трóицы носíло и
похвалénие.

Рáдуйся, Отцý равнóчестна Сýна проповéда-
вый; рáдуйся, Áриа возбесíвшагося от Собóра
святýх отгнáвый.

Рáдуйся, óтче, отцév слáвная красотó; рáдуйся,
всех богомúдных премúдрая добрóто.

Рáдуйся, óгненная словесá испущáяй; рáдуйся,
дóбре стáдо своé наставляяй.

Рáдуйся, я́ко тобóю véра утверждáется; рáдуйся,
я́ко тобóю ёресь низлагáется.

Рáдуйся, Никóлае, вели́кий Чудотвóрче.

Кондак 3.

Сíлою, дáнною ти свýше, слезú всяку отъя́л еси́
от лица́ лю́те стра́ждущих, богоно́сне óтче Никóлае
– áлчущим бо яв́ился еси́ кормíteль, в пучíне
морстéй сýщим изрýдный правíteль, недúгующим
исцелénие и всем всяк помóщник показáлся еси́,
вопиóщим Бóгу: Аллилу́иа.

Икос 3.

Име́яше во́истинну, óтче Никóлае, с небесé
песнь тебе́ воспевáема бы́ти, а не от земли́; ка́ко



бо кто от человек возмо́жет твоея́ святыни вели́чия пропове́дати? Но мы, любóвию твоею́ побежда́ем, вопи́ем ти си́це:

Ра́дуйся, о́бразе а́гнцев и па́стырей; ра́дуйся, свято́е очисти́лище нра́вов.

Ра́дуйся, добродéтелей вели́ких вместíлище; ра́дуйся, святыни чíстое и честнóе жили́ще.

Ра́дуйся, свети́льниче всесвѣтлый и вселюбíмый; ра́дуйся, свѣте златозáрный и непорóчный.

Ра́дуйся, достóйный А́нгелов собесѣдниче; ра́дуйся, дóбрый челове́ков наста́вниче.

Ра́дуйся, пра́вило вѣры благочестíвыя; ра́дуйся, о́бразе крóтости духо́вныя.

Ра́дуйся, я́ко тобою́ от страстéй телéсных избавля́емся; ра́дуйся, я́ко тобою́ сла́достей духо́вных исполня́емся.

Ра́дуйся, Никóлае, вели́кий Чудотво́рче.

Кондак 4.

Бу́ря недоумéния смущáет ми ум, ка́ко достóйно есть пѣти чудеса́ твоя́, блаже́нне Никóлае; никто́же бо мо́жет я исчестí, аще бы и мно́ги язы́ки имѣл и глаго́лати восхотѣл; но мы дíвно Бо́гу, в тебѣ прославля́ющемуся дерза́ем воспевáти: **Аллилу́иа.**



Икос 4.

Слышаша, богомудре Никóлае, ближнии и дальнии величье чудес твоих, яко по въздуху лёгкими благодатными крилами навыкл еси сущих в бедах предваряти, скоро от тех избавляя всех, вопиющих к тебе таковая:

Радуйся, избавление от печали; радуйся, подавание благодати.

Радуйся, нечаемых зол прогонителю; радуйся, желаемых благих насадителю.

Радуйся, скорый утешителю в беде сущих; радуйся, страшный наказателю обидящих.

Радуйся, чудес пучино, Богом излианная; радуйся, закона Христова скрижали, богописанная.

Радуйся, крепкое падающих возведение; радуйся, право стоящих утверждение.

Радуйся, яко тобою всякая лесь обнажается; радуйся, яко тобою всякая истина сбывается.

Радуйся, Никóлае, великий Чудотворче.

Кондак 5.

Боготечная звезда явился еси, наставляя по морию плавающих люте, имже смерть предстояше вскоре иногда, аще не бы ты предстал еси призывающим тебя в помощь, Чудотворче святыи Никóлае; уже бо



несты́дно бесо́м лета́ющим и погрузи́ти корабли́
хотя́щим запрети́в, отгна́л еси́ их, ве́рныя же научи́л
еси́ спаса́ющему тобо́ю Бо́гу взыва́ти: **Аллилу́иа.**

Икос 5.

Ви́деша отрокови́цы, на брак скве́рный
нищеты́ ради угото́ванныя, вели́кое твоё к ни́щим
милосе́рдие, преблагённое о́тче Никóлае, егда́
ста́рцу роди́телю их но́щию узельцы́ три злата́ таяся
по́дал еси́, самаго́ со дще́рьми избавля́я от паде́ния
грехо́внаго. Того́ ради слы́шиши от всех си́це:

Ра́дуйся, ми́лости превели́кия сокро́вище;
ра́дуйся, промы́сления о лю́дех приятелище.

Ра́дуйся, пи́ще и отра́до к тебе́ прибега́ющих;
ра́дуйся, хле́бе неснеда́емый а́лчущих.

Ра́дуйся, бога́тство, бе́дне живу́щим на земли́
Бо́гом да́нное; ра́дуйся, воздви́жение ско́рое
убо́гих.

Ра́дуйся, бы́строе ни́щих услы́шание; ра́дуйся,
скорбя́щих приятно́е попече́ние.

Ра́дуйся, три́ех дев непоро́чный блюсти́телю;
ра́дуйся, чистоты́ усе́рдный храните́лю.

Ра́дуйся, ненаде́жных наде́яние; ра́дуйся, всего́
ми́ра наслажде́ние.

Ра́дуйся, Никóлае, вели́кий Чудотво́рче.



Кондак 6.

Проповѣдует мир весь тебѣ, преблаженне Николае, скорога в бедах заступника, яко многажды во едином часе по земли путешествующим и по морю плавающим, предваряя, пособствуеши, купно всех от злых сохраняя, вопиющих к Богу: Аллилуиа.

Икос 6.

Воссиял еси свет животный, избавление нося воеводам, неправедную смерть прияти имущим, тебѣ, добрый пастырю Николае, призывающим, егда вскоре явлься во сне цареву, устрасил еси его, сих же неврежденных отпустить повелел еси. Сего ради с ними купно и мы благодарственно вопием ти:

Радуйся, усердно призывающим тя помогаая; радуйся, от неправеднаго убиения избавляая.

Радуйся, от лестных сохраняая клеветы; радуйся, неправедныя разрушая советы.

Радуйся, растерзая лжу яко паучину; радуйся, возношая славно истину.

Радуйся, неповинных от уз разрешение; радуйся, и мертвецев оживление.

Радуйся, проявителю правды; радуйся, помрачителю неправды.



Рáдуйся, я́ко тобо́ю непови́ннии изба́влени от
меча́; ра́дуйся, я́ко тобо́ю наслади́шася све́та.
Ра́дуйся, Никóлае, вели́кий Чудотво́рче.

Кондак 7.

Хотя́ богоху́льное ерети́ческое отгна́ти
злосра́дие, ми́ро вои́стинну благово́нное, та́ин-
ственное яви́лся еси́, Никóлае; лю́ди мирей́ския упáсл
еси́ и весь мир сво́им благода́тным ми́ром испо́лнил
еси́. И от нас у́бо богоме́рзкое грехо́вное злосра́дие
отжени́, да благоприя́тно Бо́гу вопи́ем: **Аллилу́иа.**

Икос 7.

Но́ваго тя Но́я, наста́вника ковче́га спаси́тель-
наго разумее́м, о́тче святы́й Никóлае, бу́рю всех
лю́тых разгоня́ющаго направле́нием сво́им, тиши-
ну́ же Божество́нную принося́щаго вопи́ющим та-
кова́я:

Ра́дуйся, обу́реваемых ти́хое пристáнище;
ра́дуйся, утопа́ющих изве́стное храни́лище.

Ра́дуйся, пла́вающих посреде́ пучи́н до́брый
ко́рмчий; ра́дуйся, трево́лнения морская́ устав-
ля́ющий.

Ра́дуйся, превожде́ние су́щих в ви́хрех; ра́дуйся,
согре́яние су́щих во мра́зех.



Ра́дуйся, сияние, ско́рбный мрак разгоняющее;
ра́дуйся, свети́ло, вся концы́ земли
просвещающее.

Ра́дуйся, от бездны грехо́вныя челове́ки избав-
ляяй; ра́дуйся, в бездну а́дскую сатану́ вверга́яй.
Ра́дуйся, я́ко тобою́ дерзнове́нно бездну
милосе́рдия Бо́жия призыва́ем; ра́дуйся, я́ко
тобою́ от пото́па гне́ва изба́вльшеся, мир с Бо́гом
обрета́ем.

Ра́дуйся, Нико́лае, вели́кий Чудотво́рче.

Кондак 8.

Стра́нное чу́до является притека́ющим к тебе́,
блаже́нне Нико́лае, свяще́нная твоя́ це́рковь: в ней
бо и ма́лое молéние принося́ще, ве́лиих недúгов
приёмлем исцеле́ние, а́ще то́кмо по Бо́зе упова́ние
на тя возложим, ве́рно вопи́юще: **Аллилу́иа.**

Икос 8.

Весь еси́ всем воистину́ помо́щник, богоно-
се Нико́лае, и собра́л еси́ вку́пе вся прибега́ющия
к тебе́, я́ко свободи́тель, пита́тель и врач ско́рый
всем земны́м, на похвалу́ всех подвижа́я вопи́ти к
тебе́ си́це:

Ра́дуйся, всяких исцелéний исто́чнице; ра́дуйся,
люте стра́ждущим помо́щнице.



Ра́дуйся, заре́, сияющая в но́щи грехо́вней
блужда́ющим; ра́дуйся, росó небото́чная в знóи
трудóв сущим.

Ра́дуйся, подавая́я трéбующим благостроéние;
ра́дуйся, уготовля́яя прося́щим избы́лие.

Ра́дуйся, мно́гажды проше́ние предвара́яя;
ра́дуйся, ста́рым се́динам си́лу обновля́яя.

Ра́дуйся, мно́гих заблуждших от пу́ти и́стинна-
го обличите́лю; ра́дуйся, та́ин Бо́жиих ве́рный
служите́лю.

Ра́дуйся, я́ко тобо́ю за́висть попира́ем; ра́дуйся,
я́ко тобо́ю благона́равное жити́е исправля́ем.

Ра́дуйся, Никóлае, вели́кий Чудотво́рче.

Кондак 9.

Вся́кия утоли́ болéзни, вели́кий наш заступни́че
Никóлае, растворя́я благода́тная врачевания́,
усплажда́ющая ду́ши на́ша, сердца́ же веселя́щая
всех усéрдно к по́мощи твоéй притека́ющих, Бо́гу
же вопи́ющих: Аллилу́иа.

Икос 9.

Ветя́я суету́дренныя нечестивых ви́дим тобо́ю
посра́мленныя, богому́дре óтче Никóлае. А́риа бо
ху́льника, разделя́юща Божество́, и Саве́ллия, сме-



шающа Святую Троицу, препрел, нас же во Православии укрепил еси. Сего ради вопием ти сие:

Радуйся, щите, защищаяй благочестие; радуйся, мечу, посекаяй злочестие.

Радуйся, учителю Божественных велений; радуйся, губителю богопротивных учений.

Радуйся, лестнице, Богом утверждённая, ёуже восходим к небеси; радуйся, покрове, Богом зданный, имже покрываются мнози.

Радуйся, немудрых умудривый твоими словесы; радуйся, ленивых подвигнувый твоими нравами.

Радуйся, светлосте заповедей Божиих неугасимая; радуйся, луче оправданий Господних пресветлая.

Радуйся, яко учением твоим сокрушаются еретические главы; радуйся, яко тобою вернии сподобляются славы.

Радуйся, Николае, великий Чудотворче.

Кондак 10.

Спасти хотя душу, плоть твою духови покорил еси воистинну, отче наш Николае. Молчаньми бо прежде и бореньми с помысли, деянию богомыслие приложил еси, богомыслием же разум совершен



стяжал еси, имже дерзновенно с Богом и Ангелы беседовал еси, всегда вопия: Аллилуиа.

Икос 10.

Стена еси похваляющим, преблаженне, чудеса твоя и всем к заступлению твоему прибегающим; темже и нас, в добродетели убогих, от нищеты, напасти, недугов и нужд различных свободдай, вопиющих ти с любовью таковая:

Радуйся, от убожества вечнога изымаяй; радуйся, богатство нетленное подаваяй.

Радуйся, брашно негиблющее алчущим правды; радуйся, питие неисчерпаемое жаждущим жизни.

Радуйся, от мятежа и брани соблюдаяй; радуйся, от уз и пленения свободдай.

Радуйся, преславный в бедах заступниче; радуйся, превеликий в напастех защитниче.

Радуйся, многих от погибели исхитивый; радуйся, безчисленных невреденно сохранивый.

Радуйся, яко тобою лютыя смерти грешнии избегают; радуйся, яко тобою жизнь вечную кающися получают.

Радуйся, Николае, великий Чудотворче.



Кондак 11.

Пѣние Пресвятѣй Трѳице пѣче инѣх принѣсл еси, преблаженне Никѳлае, умѳм, слѳвом и дѣлом. Многим бо испытанием правѳверная повелѣния уяснил еси, вѳрою, надеждою и любѳвию наставляя нас в Трѳице Единѳму Бѳгу воспѣвати: **Аллилуѳа.**

Икос 11.

Светозѳрную лучу во мѳраце жития сущим неугасимую видим тя, Бѳгом избранне ѳтче Никѳлае. С невещественными бо ѳнгельскими свѣты бесѣдуеши о несозданном Трѳическом свѣте, вѳрных же дѳуши просвещѳеши, вопиѳщих ти таковѳя:

Рѳдуйся, озарѣние Трисѳлнечнаго свѣта; рѳдуйся, деннице незаходимаго сѳлнца.

Рѳдуйся, свещѣ, Божественным пламенем возжѣнная; рѳдуйся, яко угасил еси бесѳвский пламень нечѣстия.

Рѳдуйся, свѣтлое правѳверия проповѣдание; рѳдуйся, доброзѳчное свѣта евангельскаго сияние.

Рѳдуйся, мѳлние, ѳреси пожигаѳщая; рѳдуйся, грѳме, устрашаѳщий соблазняѳщая.

Рѳдуйся, ѳстиннаго научителю рѳзума; рѳдуйся, таинственнаго изьявителю ума.



Рáдуйся, я́ко тобо́ю попра́ся поклонéние твáри;
ра́дуйся, я́ко тобо́ю научíхомся поклоня́ться
Творцу́ в Трóице.

Рáдуйся, Никóлае, вели́кий Чудотворче.

Кондак 12.

Благода́ть, да́нную ти от Бо́га, све́душии,
ра́дующеся твою́ па́мять пра́зднуем по до́лгу,
пресла́вный о́тче Никóлае, и к чу́дному заступлéнию
твоemú вседу́шно притека́ем; пресла́вных же твои́х
дея́ний, я́ко песка́ морска́го и мно́жества звéзднаго
исчестí не могу́ще, недоумéнием объя́ти б́вше,
вопи́ем к Бо́гу: Аллилúиа.

Икос 12.

Пою́ще твоя́ чудеса́, восхваля́ем тя, всехва́льне
Никóлае: в тебе́ бо Бог, в Трóице прославля́емый,
д́вно просла́вился. Но аще и попере́мно́гу
соста́вленные от ду́ши псалмы́ и пéсни принóсим
ти, Чудотворче святы́й, ничто́же творим ра́вно
дарова́нию чудéс твои́х, íмже удивля́ющеся,
вопи́ем к тебе́ така́я:

Рáдуйся, Царя́ ца́рствующих и Го́спода госпóд-
ствующих служите́лю; ра́дуйся, служите́лей Его́
небéсных сожителю́.



Ра́дуйся, лю́дем ве́рным поможе́ние; ра́дуйся,
ро́да христиа́нскаго возвыше́ние.

Ра́дуйся, побе́ды тезоимени́тый; ра́дуйся,
венце́но́сче наро́читый.

Ра́дуйся, всех добродете́лей зерца́ло; ра́дуйся,
всех притека́ющих к тебе́ кре́пкое забра́ло.

Ра́дуйся, по Бо́зе и Богоро́дице все на́ше
упова́ние; ра́дуйся, теле́с на́ших здра́вие и
душ спасе́ние.

Ра́дуйся, я́ко тобо́ю от ве́чныя сме́рти
свобождáемся; ра́дуйся, я́ко тобо́ю безконече́ныя
жизни сподобля́емся.

Ра́дуйся, Никóлае, вели́кий Чудотво́рче.

Кондак 13.

О пресвяты́й и пречу́дный о́тче Никóлае,
утеше́ние всех скорбя́щих, ны́нешнее на́ше прими́
приноше́ние и от ге́енны изба́витися нам Го́спода
умоли́ богоприятным твои́м ходата́йством, да с
тобо́ю воспева́ем: **Аллилу́иа.**

Этот кондак читается трижды.

Икос 1.

А́нгела о́бразом, земна́го су́ща естество́м яви́
тебе́ всея́ тва́ри Созда́тель; благопло́дную бо до-



брóту души твоея провѣдев, преблаженне Никóлае, научи всех вопѣти тебѣ сѣце:

Рáдуйся, от утрóбы мáтерния очищенный; рáдуйся, дáже до концá освященный.

Рáдуйся, рождѣнием своим родѣтелей удивѣвый; рáдуйся, сѣлу душѣвную áбие по рождествѣ явѣвый.

Рáдуйся, сáде земли обетовáния; рáдуйся, цвѣте Божѣственного саждѣния.

Рáдуйся, лозó добродѣтельная виногрáда Христóва; рáдуйся, дрѣво чудотóчное рай Иисúсова.

Рáдуйся, крѣне райскаго прозябѣния; рáдуйся, мѣро Христóва благоухáния.

Рáдуйся, я́ко тобою отгóнится рыдáние; рáдуйся, я́ко тобою принóсится рáдование.

Рáдуйся, Никóлае, вели́кий Чудотвóрче.

Кондак 1.

Возбрáнный Чудотвóрче и изрядный угóднице Христóв, мѣру все́му источáяй многоцѣнное мѣлости мѣро и неисчерпáемое чудѣс мóре, восхваляю тя любóвию, святѣтелю Никóлае. Ты же, я́ко имѣяй дерзновѣние ко Гóсподу, от всѣких мя бед свободѣ, да зову ти:

Рáдуйся, Никóлае, вели́кий Чудотвóрче.



Молитва.

О всесвятѣй Никóлае, угóдниче преизрѣднѣй
Госпóдень, тѣплѣй наш заступниче, и вездѣ в
скóрбех скóрый помóщниче! Помозѣ ми (имя),
грѣшному и унылому, в настоящем сем житѣй,
умоли́ Господа Бóга даровати ми оставлѣние всех
моѣх грехóв, ели́ко согрѣших от юности моея, во
всем житѣй моём, дѣлом, слóвом, помышлѣнием
и всѣми моѣми чúвствы; и во исхóде душѣ моея
помозѣ ми, окаянному, умоли́ Господа Бóга, всея
твѣри Содѣтеля, избáвити мя воздушных мытарств
и вѣчнаго мучѣния, да всегда прославляю Отца
и Сына и Святаго Дúха и твоѣ мѣлостивное
предстáтельство, ны́не и прѣсно и во вѣки веков.
Ами́нь.

Величаніе.

Велича́ем тя,/ святѣтелю óтче Никóлае,/
и чтим святúю пáмять твою://
ты бо молиши за нас Христа́ Бóга нашего.



СВЯТИТЕЛЮ ОТЧЕ НИКОЛАЕ,
МОЛИ БОГА О НАС!